


3849

  
IR


3849.

*Thomas Murnius,*  
*Pr. Moresum Nuptiarum*  
*Olaj Theophilii*  
*Salmes, Melitioris filie.*



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3849 4° (LN 742)







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3849 4° (LN 742)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3849 4° (LN 742)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3849 4° (LN 742)



LIT BOX

- L. N. 742.

M



3849

EPITHALAMIVM  
IN  
HONOREM NVPTIA-  
RVM CLARISSIMI VIRI ERVDI-  
tione & veris virtutibus ornatissimi D. Magistri  
Olaj Theophili ludirectoris in Regia vrbe  
Hafniensi, & Salomes, Honestissi-  
mi viri Melchioris aurifabri  
piæ memoriæ, filiæ,  
scriptum  
à  
Iohanne Hemmingio.



HAFNIÆ,  
Excudebat Laurentius  
Benedictus.

1 5 70.



FER mihi Christe pedem, & cæpto aspirato labori,  
Qui, nutu vastum, solo moderatus, olympum.  
Quiquæ meis semper votis, precibusquæ benignus  
Annueras, præsens iterum nunc numine adesto.  
Nec mea dicta neges, placidas demittere in aures,  
O precor, ô nostro Christe aspirato labori.

Principio dignas ferimus tibi pectore grates,  
Christe salus hominum, qui primus fœdera casti  
Sanxisti thalami, quo sancti in fœdere amoris,  
Fœmina, virquæ tuum laudent in secula nomen.  
Nam cum primò hominem mira virtute creasses:  
Solutus erat, tandem dederas consorte potiri,  
Quam maris exemptam lateri, & præcordibus imis,  
Adiungi lateri & rursus ad cor molle redire  
Nempè animi affectu voluisti & mentibus vnis.

Ergo quibus cordi est hæc casta et sancta Dei lex,  
Hanc vnâ spectent, huic totis viribus instent.  
Non veluti mitrati asini, de cardine quorum  
Est nomen, magnasquæ cruces in pectore gestant.  
Lignipedesquæ patres, Francisci de ordine dicti,  
Et quorum in putri est sapientia sita cucullo,  
Qui canones simulant, & a soti cætera viuunt,  
Et stolidum fallunt pietatis imagine vulgus,  
Talia fundentes scelerato è pectore verba:  
Si non castè aliquis poterit modò viuere cautè,

Suffi.



3849  
Sufficiat, Sancta hæc nostræ sit regula vitæ.  
O fatui quibus hæc potior sententia visa est.  
Nam velut è statua facies cùm pulchra remota est,  
Omne decus perijt, mentis sic dona verendæ,  
Laude pudicitie ni sint ornata, recedunt.  
Et velut in viridi flos discolor oritur horto,  
Ignotus pecori, nullo conuulsus aratro.  
Quem radij firmant solis, quemquæ irrigat imber,  
Et faciles mulcent auræ, flatusquæ salubres,  
Multi illum pueri, multæ optauere puellæ:  
At postquam tenui captus defloruit vngue,  
Nulli illum pueri, nullæ optauere puellæ.  
Sic mulier, cùm casta manet, tum cara marito,  
Cognatisquæ suis, verùm cum corpore florem  
Polluto amisit castum, moresquæ pudicos,  
Nec pueris iucunda manet, nec cara marito.  
Sunt, qui, vel cælo veniat si Christus ab alto,  
Qui pœnam ante oculos statuat, non viuere honestè,  
Coniugij aut seruare fidem, & semel inita pacta  
Dignentur, sed & hos tacitis, ni fallor, ouantes  
Pœna venit pedibus, incautosquæ obruet astu.  
Nam quamuis multos lateat iustissima in annos  
Ira Dei, tamen ingenti mox turbine raptos,  
Cùm venit inferni in latebras, Stygiamquæ paludem  
Præcipitat fatuos, sic sic inuat esse prophanos,



*Et contra mandata Dej vixisse, sed vnum  
In medium placet exemplum producere, paucis  
Aduerte atque alta, quæ dicam, mente repone.*

*Vrbs antiqua fuit Graij quã nomine Leuctram  
Dixerunt, diues studijsquæ asperrima belli.  
Non procul hac Scedasus vixit, binasquæ decora  
Insignes forma, excellentesquæ omnibus arte  
Fæminea, genuit natas : huc forte solebant  
Spartani aduentare viri, hospitiumquæ rogare.  
Cumquæ domo Scedasus non fausto tempore abesset  
Tres numero claris à stirpe parentibus orti  
Adueniunt iuuenes, recipi sub tecta petentes,  
Hospitium datur, ingressi mox fœdera rumpunt  
Hospitij, & miseras Sathana impellente puellas  
Incantas subitò, & prorsus nil tale putantes,  
Arripiunt, violant (scelus ach immane) trucidant,  
Stupratas, puteoquæ aderat qui fortè profundo  
Abscondunt, terrã accumulant. Spartãquæ reuifunt,  
Interea infœlix Scedasus redit, atque tremente  
Voce vocat natas, nulla harum apparet, at ille  
Sollicitè inquirat, tandem cùm tempore longo  
Quæsisset, puteum accedit, terrãquæ repletum  
Comperit, hic mæstus natas inuenit amicas.  
Continuò huic gelidus fugit ad præcordia sanguis.  
Nec fari poterat, nam lingua dolore retenta est.*

*Tan-*



3849  
Tandem quæ fuerit tantorum causa malorum  
Repperit, & iusta lacrymans incanduit ira.  
Moxquæ in Spartanâ vt venerat se contulit urbem,  
Vimquæ suis factam natis, mortemquæ cruentam  
Conqueritur, Iudex hæc surda præterit aure,  
(Et Scedasus pro iure domum ludibria portat.)

Discedens talem rupit de pectore vocem:  
O Deus omnipotens, qui sceptrâ ligonibus æquas,  
Talia me passum cerne, & miserere dolorum  
Tantum, miserere mei non digna ferentis.  
O si quæ est cælo pietas, quæ talia curet  
Vltor ades, homines nam te dare iura loquuntur,  
Dixit: & in sese capulo tenus abdidit ensem  
Impatiens, vitamquæ atro cum sanguine fudit.

Non multos post inde annos, Spartana, iuuentus  
Induit arma, (hominum genus intractabile bello)  
Aoniamquæ urbem muris & turribus altam  
Funditus eruere, & flammis miscere parabant.  
Denique Thebanis fama hæc peruenit ad aures,  
Nec mora, fit strepitus, discurritur undique portis,  
Ingentesquæ animos spirans Draconigena proles  
Ingreditur, strictisquæ ferox mucronibus horret.  
Tela sonant humeris, lato venabula ferro  
Aptantur, iam iamque aderat Spartana iuuentus,  
Thebanosquæ petit directo tramite. at illi

A 3

Acce.

Accelerant, contràque pedum vestigia figunt.  
Inque locum claræ stabant ubi mœnia Leuctræ  
Deueniunt, manus hîc manibus miscentur, & ingens  
Fit pugna, hîc diris clamoribus aëra complent.  
Spartani dant terga viri, Thebana iuuentus  
Accendit Martem cantu, insequiturque fugaces,  
Et robur sternit Spartanum, hîc præmia soluunt  
Illusi tandem Scedasi, mortisque cruentæ  
Gnatarum illius, per vim fractique pudoris.

Heu misera est hominum sic vita, plenaque dolorû,  
Et varijs mens ipsa malis turbatur egea.  
Luce etenim nunc orta, & iam cum vespera tandem  
Venit, quid vita est hominis, quam vixerat? umbra.  
Imò aliud nihil est, gelidæ nisi mortis imago,  
Gaudia sed venient post illam æterna beatis.

Hinc quicunque volent discant, animoque recondât  
Non placeat quod spurca Deo, turpisque libido.

Ergo tibi hoc magnæ laudi datur optime OLÆE,  
Cōiugij hâc SALOMEN sociâ quod quæris honesti  
Non ipsi turpes fingit lascivia gestus,  
Nec forma est breuiter fallens tantum ora tuentum.  
Non oculos habet illa vagos, gressûve superbo  
Incedit, neque cum graditur, ceu militis hasta  
Torta manu, collum, corpus nec librat eundo,  
Mos velut est multis turpi conceptus ab usu.

Ra.



3849  
Rarum forma bonum, melior sed moribus aucta est  
Tempore forma perit, virtus est langior annis.

Ergo tibi mage coniugium venerande Magister,  
(Quando vtrūque bonū hoc cōtingit virgine in vna)  
Gratulor, & multos opto tibi duret in annos.

Vivite fœlices, numerosam educite prolem,  
Atque amor æternos vester consistat in annos,  
Nec metuet Sathanam infestum, tristemue senectam  
Haud fluxum est ævo Christi quod numine caput.







3849